

ՉԱՆԳԵԶՈՒՐԻ ՄԱՀԱԼՆԵՐՆ ՈՒ ԲՆԱԿԶՈՒԹՅՈՒՆԸ  
ՌՈՒՍԱԿԱՆ ՏԻՐԱՊԵՏՈՒԹՅԱՆ ՀԱՍՏԱՍՄԱՆ ՄԻՋՈՅԻՆ

1805 թ. Իբրահիմ խանը իրեն ճանաչեց Ռուսաստանի կայսեր հովանա-  
վորութեան ներքո անցած և իր երկիրը ռուսական պետութեան հետ միացած:  
1813 թ., Գյուլիստանի դաշնագրութեամբ, պարսից կառավարութեանը տվա՛  
այդ կատարված փաստին իր իրավական վավերացումը, սակայն այնուհետև  
էլ Ռուսաստանին նոր միացած երկրում շարունակեց կիրառվել հին խանա-  
կան վարչական ավանդական կարգը, թեև շափազանց խախտված՝ ռուսական  
զինվորական և մասամբ նաև քաղաքացիական պաշտոնատարների ամեն  
առիթ միջամտութեամբ: Այս ճշմարտութեանը և իրավասութեան անընդհատ  
կրճատումը, ինչպես հայտնի է, հարկադրեցին Մեհտի-Ղուլի-խանին 1822 թ.  
թողնել Շուշին և փախչել Պարսկաստան: Խանութեանը վերածվեց պրովին-  
ցիայի, երկրի կառավարութեանը հանձնվեց կոմենդանտին: Առաջին հերթին  
անհրաժեշտ եղավ պարզել և ճշտել, թե ինչ եկամուտներ էր ստանում փախած  
խանը երկրից՝ սրանք պիտի այնուհետև մտնեին ռուսական պետական գան-  
ձարանը: Այդ բարդ և պատասխանատու աշխատանքը հանձնվեց երկու անձից  
բաղկացած մասնաժողովին: Մեկն էր իսկական պետական խորհրդական՝  
(действительный статский советник) Մոզիլսկին, մյուսը՝ գեղապետ Եր-  
մոլով 2-րդը: Նրանցից առաջինն իր նախկին գործունեությամբ լավածանոթ  
էր նկարագրվող երկրին: Զարմանալի արագությամբ նրանք ի կատար ածեցին  
ստանձնած հանձնարարութեանը և արդեն 1823 թ. ապրիլին ներկայացրին  
Կովկասի վարչապետ Երմոլովին Ղարաբաղի պրովինցիայի մահալների նկա-  
րագրությունը<sup>1</sup>, որտեղ ցուցակագրված են բոլոր բնակավայրերը, նրանց մեջ  
բնակվող ընտանիքների թիվը, նրանցից քանիսն ինչո՞ւ են ազատված եղել  
պետական տուրքերից և մնացածներից ո՞րքան (ծուխ) ընտանիք և ի՞նչ ան-  
վան տակ տուրքեր էին վճարում խանին և նրա միջոցով որպես հարկ՝ գան-  
ձարանին: Հավաքված տեղեկությունները զաղափար են տալիս նաև Ղարա-  
բաղի խանութեան մի մասը կազմող, այժմյան Զանգեզուրի ազգաբնակչության  
թվի և ազգային բաշխման, ինչպես և բնակավայրերի բնույթի մասին և պա-  
կերում են այդ գավառի մահալական բաժանումն և իշխող վարչական ձևը:

Երկիրը բաժանված է եղել մահալների, որոնց գլուխ կանգնած էին մեծ  
մասամբ մելիքներ՝ մինքաշի-հազարապետ կամ յուզբաշի-հարյուրապետ  
տիտղոսներով: Մահալի մեջ առանձին գյուղերը կամ գյուղախմբերն ունեին  
իրենց մասնավոր մելիքական տները: Բացի այդ՝ խոշոր կալվածատերերը  
կառողջանում էին անտես առնելով մահալի մելիքին՝ անմիջապես կապված  
լինել խանի հետ և հաճախ մահալում ավելի ազդեցություն ունենալ, քան մա-  
հալի մելիքը: Այդպիսի ուժեղ կապեր ունեցող կալվածատերերիցն էր օրինակ՝  
Ղասում-բեկի ընտանիքը<sup>2</sup>, որից մի որդին՝ Հաջի-Աղալար-բեկը, սեփականա-

<sup>1</sup> «Описание Карабагской провинции», составленное действительным статским со-  
ветником Могилевским и полковником Ермоловым 2-ым.

<sup>2</sup> Այս Ղասում-բեկն, ըստ Մելիք-Բարխուդարյանների մասին տեղում պահպանված ավան-  
դության, գողացել էր Տեղի Մելիք-Բարխուդարի ընտանիքից մելիքական և կալվածատիրական  
իրավունքների հաստատման վավերագիրներն ու փախցրել մելիքի օրինական ժառանգ Դավիթ-  
բեկից գժոված Իբրահիմ-խանի մոտ և թղթերը նրան հանձնել: Խանը նրան է տվել Տեղ գյուղը:  
Ղալայեան Ե., Զանգեզուր, էջ 13: